



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XCVI. Erectio Universitatis S. Thomæ Ord. Prædicatorum Civitatis Monilac.  
in Insulis Philippinis.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

expresse cautum sit, quod Moniales Conversæ, seu Laicæ velo nigro, & voce activa in electionibus Superiorissarum, seu officialium, & voce passiva in consequendis dd. Monasteriorum Officiis uti, frui, & gaudere debeant; Constitutio facta in Capitulo Generali Romæ celebrato sub die 11. Junii 1639. executioni omnino demandetur, suumque integrum, & plenarium effectum fortiat, in quem finem eandem Constitutionem extra tamen casum præmissum auctoritate non solum, qua fungimur Protectoris, verum etiam ab eadem Sacra Congregatione Nobis attributa, & concessa, tenore præsentium approbamus, & confirmamus, eique inviolabilis firmitatis robur adjicimus, nullas, irritas nunc pro tunc omnes præfatas electiones, quas cum suffragiis prædictarum Monialium Conversarum adversus præsentem nostram, & Constitutionis prædictæ dispositionem fieri contigerit declarantes, & decernentes. Mandamus igitur omnibus Superioribus regularibus, qui regimini, & gubernio dictorum Monasteriorum præsent, quatenus hæc omnia sublato Monialibus quocumque alio prætextu, & quæsito colore etiam consuetudinis immemorabilis, & præscriptæ, executioni demandari faciant, & contra inobedientes, ac contumaces suis remediis, & quatenus opus sit censuris Ecclesiasticis animadvertant. Romæ 5. Julii 1681. A Card. Cybo Protector. Jo: Baptista Rufca.

Preces Procuratoris Ordinis.

§. 2. Cum autem sicut præfatus Petrus Procurator Generalis nobis subinde exponi fecit, ipse Decretum hujusmodi quo firmiter subsistat, & servetur exactius, Apostolicæ confirmationis nostræ patrocinio communitur summopere desideret: nos ipsius Petri Procuratoris Generalis votis hac in re quantum cum Dño possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Decretum a memorato Alderano Episcopo Cardinale, & Protectore editum præinfertum cum omnibus, & singulis in eo contentis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus si qui de super quomodolibet intervenerint, supplemus.

Confirmatio prædicti Decreti.

Clausulæ.

§. 3. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis ad quos spectat, & pro tempore spectabit inviolabiliter observari: sicque in præmissis per quoscumque Judices Ordinarios, & delegatos, etiam Caesarum Palatii Apostolici Auditores, judicari, & diffiniri debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore remansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium Literarum transumptis, seu exemplis etiam impressis manu alicujus Notarii publici subscriptis, & Sigillo Personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXIV. Julii MDCLXXXI. Pontificatus nostri Anno Quinto.

Erigitur Academia Sanctæ Thomæ Ord. Prædicatorum Civitatis Monilan in Insulis Philippinis in publicam studii generalis universitatem.

XCVI.

## INNOCENTIUS PAPA XI.

*Ad futuram rei memoriam.*

Dat. 7. Aug.  
1681. An. 5.

INscrutabili divinæ sapientiæ, atque bonitatis Arcano ad Ecclesiæ Catholicæ per universum Terrarum Orbem diffusæ regimen, meritis licet imparibus, erecti, sacrarum, eisque ancillarum bonarum literarum studia, per quæ depulsa ignorantie caligine, mentes veritatis luce illustrantur, & non minus Catholicæ Fidei, divinique cultus propagationi, & incremento, quam Justitiæ administrationi, aliisque Reipublicæ commodis, & ornamentis, privatorumque utilitatibus consultur, ubique locorum, & præsertim in remotissimis ab hac S. Sede partibus, quantum nobis ex alto conceditur, promovere, ac incitare, & confovere studemus, sicut omnibus matura consideratione perpensis, ad Omnipotentis Dei gloriam, Ecclesiæque decus, & præsidium, ac spiritualem temporalemque Christianissimorum utilitatem cognoscimus in Domino salubriter expedire.

Proœmium.

§. 1. Dudum siquidem fel. rec. Innocentio PP. X. prædecessori nostro pro parte claræ mem. Philippi IV. dum vixit Hispaniarum Regis Catholicæ exposito, quod in Civitate Monilan in Insulis Philippinis unum sub denominatione S. Thomæ Collegium Ordinis Fratrum Prædicatorum existebat, in quo triginta Alumni seculares educabantur, & Grammatica, Rhetorica, Logica, Philosophia, ac Theologia Scholastica, & Moralis docebantur, seu legebantur, magna cum Incolarum illarum partium utilitate. Civitas vero Monilan plusquam tribus leucarum millibus a vicinioribus studiorum Generalium Universitatibus, nempe Limana, & Mexicana distabat, & propterea idem Philippus Rex in Collegio præfato Academiam erigi, & institui summopere desiderabat, præfatus Innocentius prædecessor supplicationibus memorati Philippi Regis nomine sibi super hoc humiliter porrectis inclinatus, in præfata Civitate Monilan in ædibus dicti Collegii, ubi tunc scholæ erant, seu forsitan in ampliorem formam construerentur, Academiam, in qua Religiosi dicti Ordinis Grammaticam, Rhetoricam, Logicam, Philosophiam, & Theologiam Scholasticam, & Moralem publice profiterentur, ac Juvenes quoscumque docerentur, duraturam dumtaxat donec, & quousque aliqua publica studii Generalis Universitas in dicta Civitate Monilan, seu illius Provincia Apostolica auctoritate erecta fuisset, eadem auctoritate, sine tamen cujusquam præjudicio, erexit, & instituit; Ipsamque Academiam sic erectam, & institutam curæ, regimini, & administrationi dicti Ordinis, & illius Magistri Generalis pro tempore existentis, seu ab eo deputandi, qui totius Academiæ Rector existeret, præfata

Qua de causa, & forma erecta fuerit d. Academia.

auctori-

auctoritate supposit, ac Reſtori ipſius Academiae, & Collegii pro tempore exiſtenti, ut donec huiusmodi Academia, ut pramittitur, duraret, illos quos in ipſa Academia ſic erecta per debitum tempus ſtudiſſe, ac ſcientia, & moribus idoneos eſſe reperiret, ut praefatis facultatibus, quae in dicto Collegio, ut praefertur docerentur, ſeu legerentur, ad Baccalaureatus, etiam formati, ac Licentiaturae, & Doctoratus, necnon Magiſterii gradus, ſervata in omnibus, & per omnia forma Decretorum Viennenſium, & Tridentini Conciliorum, quibus in aliquo derogare non intendebatur, & alias juxta laudabiles aliarum Academicarum conſuetudines promovere, & ipſorum graduum inſignia eis exhibere valerent, dicta auctoritate conſeſſit, & indulſit, cum diverſis facultatibus, gratis, & Indultis, & alias prout in ipſius Innocentii praedecessoris literis deſuper in ſimili forma Brevis die 20. Novembris 1645. expeditis, quarum tenorem praefentibus pro plene, & ſufficienter expreſſo, & infero haberi volumus, uberius continetur.

§. 2. Cum autem ſicut dilectus filius Alphoſus Sandin Procurator, & Diſſinitor Generalis Provinciae Sanctiſſimi Roſarii dictarum Inſularum Philippinarum praefati Ordinis Fratrum Praedicatorum Nobis nuper exponi fecit, & erectione Academiae huiusmodi maxima in illis partibus ad Animarum ſalutem aſſidue proveniat utilitas, propoſitiſque ſtudioſiorum praemiis, erexit ad ipſa amplectenda, & peragenda, praemiaque huiusmodi promerenda ſtudioſiorum alacritas; ita ut multiplicata reperiantur Perſonae habiles, & idoneae ad continuandas Sacras Miſſiones, quarum fructus Sancta Mater Eccleſia, Domino benedicente, in dies locupletantur: Verum propter ingentem dictae Civitatis Manilan a praefatis ſtudioſiorum Generalium Univerſitatibus diſtantiam ſupradictam, moraliter impoſſibile ſit, ut Incolae Civitatis, & Inſularum Philippinarum huiusmodi ad eandem Univerſitates, ut ibidem Sacrorum Canonum, & Legum Civilium, & Medicinae ſtudiis incumbant, ſe conferant; ac proinde plurimum expedire videatur, ut Academia praefata in publicam ſtudii generalis Univerſitatem, ad hoc, ut in ea Sacri Canones, & Leges Civiles, ac Medicina huiusmodi, quorum ſcientia ad bene ornatum Rempulicam etiam neceſſaria eſt, publice doceri, harumque facultatum Cathedrae a Perſonis ſaecularibus peritis regenda Benefactorum impenſa ibidem erigi, & gradus ſcholaeſtici earundem facultatum ſtudioſis poſt peracta ſtudioſiorum curricula conferri valeant, ad inſtar Limanae, & Mexicanae Univerſitatum praefatarum erigatur. Nobis propterea dictus Alphoſus humiliter ſupplicari fecit, ut in praemiſſis, opportune providere, & ut infra indulgere de benignitate Apoſtolica dignaremur.

§. 3. Nos igitur Incolarum Civitatis, & Inſularum praefatarum commodis quantum cum Domino poſſumus, conſulere, dictumque Alphoſum ſpecialis favore gratiae proſequi volentes, & a quibusvis excommunicationis, ſuſpenſionis, & interdicti, aliſque Eccleſiaſticiſ ſententiis, cenſuris, & poenis a jure, vel ab homine quavis occasione, vel cauſa, latis, ſi quibus quomodolibet innotuit exiſtit ad effectum praefentium dumtaxat conſequendum harum ſerie abſolventes, & abſolutum fore cenſentes; huiusmodi ſupplicationibus inclinati de Venerabilium Fratrum noſtrorum S. R. E. Cardinalium negotiis Propagandae Fidei praepoſitorum conſilio, & attento, quod praefati Alphoſi inſtantia huiusmodi a dilecto filio nobili viro Gaſparo de Haro y Gaſman Marchione de Carpio Chariffimi in Chriſto filii noſtri Caroli Hiſpaniarum Regis Catholici apud Nos, & Sedem Apoſtolicam Oratore ejuſdem Caroli Regis nomine commendata fuit, Academiam in ſupradicto Collegio

S. Thomae Civitatis Manilan Ordinis Praedicatorum a memorato Innocentio praedecessore ad ſupplicationem praefati Philippi Regis erectam, ut praefertur, in publicam ſtudii generalis Univerſitatem, in qua etiam Sacri Canonis, ac Leges Civiles, & Medicinae, publice praeflegi, & doceri, harumque ſcientiarum, ſive facultatum Cathedrae a perſonis ſaecularibus habilibus, & idoneis regenda, & obtinenda fundari, & inſtitui valeant, ad inſtar praefatarum Univerſitatum Limanae, & Mexicanae, auctoritate Apoſtolica tenore praefentium ſine cuiuſcumque alterius Univerſitatis ſtudii Generalis praedjudicio erigimus, & inſtituimus: Ita tamen, ut Univerſitas huiusmodi ſic erecta, & inſtituta, donec, & quouſque alia publica Univerſitas Apoſtolica, & Regalis ad formam modo dictarum Univerſitatum, & non aliter aut in eadem Civitate Manilan, aut in aliis Regnis viciniorebus conſtruatur, ſeu erigatur dumtaxat durare debeat; ac eidem Univerſitati ſtudii Generalis ſic praefentes erectae, & inſtitutae, illiſque Reſtori, Magiſtris, Doctoribus, Lectoribus, Praeceptoribus, Scholaribus, Procuratoribus, Bidellis, Nunciis, ceteriſque Officialibus, Miniſtris, & perſonis, quibcuſcumque pro tempore exiſtentibus, ut omnibus, & ſingulis privilegiis, Indultis, libertatibus, immunitatibus, exemptionibus, favoribus, gratis, praerogativis, honoribus, & praerogativis, quibus praefatae Univerſitates ſtudioſiorum Generalium Limanae, & Mexicanae, illarum Reſtores, Magiſtri, Doctores, Lectores, Praeceptores, Scholares, Procuratores, Bidelli, Nuncii, ceterique Officiales, Miniſtri, & perſonae quacuſcumque reſpective tam de jure, uſu, & conſuetudine, quam alias quomodolibet utuntur, potiuntur, & gaudent, ac uti, frui, & gaudere poſſunt, & poterunt in futurum, non ſolum ad eorum inſtar, ſed etiam aequae principaliter, & pariformiter in omnibus, & per omnia, uti, frui potiri, & gaudere; Reſtori autem ipſius Univerſitatis per praefentes erectae, ut quamdiu Univerſitas huiusmodi ſicut praemittitur duraverit, illos, quos in eadem Univerſitate per debitum tempus ſtudiſſe, ac ſcientia, & moribus idoneos eſſe repererit in praefatis facultatibus, ſive ſcientiis, quae in ipſa Univerſitate docebantur, ſeu legentur, ad Baccalaureatus, etiam formati, Licentiaturae, ac Doctoratus, & Magiſterii gradus, ſervata tamen in omnibus, & per omnia forma Decretorum Viennenſium, & Tridentini Conciliorum praefatarum, quibus in aliquo derogare non intendimus, & alias juxta laudabiles ſupradictarum Limanae, & Mexicanae Univerſitatum ritus, & conſuetudines promovere, ſolitaque graduum huiusmodi inſignia eis conferre, & exhibere; Iſtis vero ad eodem gradus per illum ſic promotis, ut poſtea publice, privatimque etiam in omnibus aliis Univerſitatibus ſtudioſiorum Generalium facultates, ſive ſcientias praedictas reſpective alios docere, & interpretari, de eis diſponere, aliſque actus quocuſcumque eorum gradibus, convenientes exercere libere, & licite poſſint, & valeant reſpective, auctoritate, & tenore praefentium concedimus, & indulgemus, ſalva tamen ſemper in praemiſſis auctoritate Congregationis memoratorum Cardinalium.

§. 4. Decernentes ipſas praefentes literas firmas, validas, & efficaces exiſtere, & fore, ſuoſque plenarios, & integros effectus ſortiri, & obtinere, ac illis ad quos ſpectat, & pro tempore ſpectabit in omnibus, & per omnia pleniffime ſuffragari, & ab eis reſpective inſolabiliter obſervari. Sicque in praemiſſis per quocuſcumque Judices Ordinarios, & Delegates, etiam cauſarum Palatii Apoſtolici Auditores judicari, & deſiniri debere; ac irritum, & inane ſi ſecus ſuper his a quoquam quavis auctoritate ſcienter, vel ignoranter contigerit attentari.

Erectio d. Academiae in publicam ſtudii generalis Univerſitate donec alia inſtituatur Apoſtolica, & Regalis.

Ei conceduntur privilegia, & jura Univerſitatis Limanae, ac Mexicanae.

Claululae.

Cauſe erectionis huius Academiae in publicam Univerſitatem.

Praes Prioris Provinciae SS. Roſarii Ord. Praedicatorum in Inſulis Philippin.

Accedit commendatio Regis Catholici.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Collegii, Provinciæ, & Ordinis præfatorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majoram sub Annulo Piscatoris die VII. Augusti MDCLXXXI. Pontificatus nostri Anno Quinto.

XCVII.

Conceduntur Tertiariis B. M. de Mercede Redemptionis Captivorum intra claustra viventibus Indulgentiæ, quibus gaudent Fratres ejusdem Ordinis.

Dat. 8. Aug. 1681. An. 5.

INNOCENTIUS PAPA XI.

Ad perpetuam rei memoriam.

Preces Procuratoris Generalis pro declaratione Indulgentiarum ad Tertiarios.

Cum sicut dilectus filius Josephus Linas Procurator Generalis Ordinis Fratrum Beate Mariæ de Mercede Redemptionis Captivorum, in Sacra Theologia Magister, Nobis nuper exposi fecit, multi in eodem Ordine reperiantur Tertiarii, qui vota simplicia emiserunt, & sub Regula Tertiariorum, ac habitu ipsius Ordinis pie, & laudabiliter intra Claustra sub obedientia Superiorum Ordinis hujusmodi vivunt; incertum vero sit quibus Indulgentiis, & gratiis spiritualibus ejusmodi Tertiarii frui valeant, & propterea idem Josephus Prior Generalis illorum spirituali consolationi, & animarum saluti opportune a Nobis provideri plurimum desideret: Nos ipsius Josephi Procuratoris Generalis Urbis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, præfatis Tertiariis præsentibus, & futuris intra claustra, ut præfertur, viventibus, qui vota hujusmodi emiserunt, seu pro tempore emiserint, ut omnibus, & singulis Indulgentiis seu peccatorum remissionibus, ac penitentiarum relaxationibus, quibus Fratres Ordinis prædicti utuntur, fruuntur, & gaudent, ac uti, frui, & gaudere possunt, & poterunt in futurum, pariformiter, & absque ulla prorsus differentia uti, frui, & gaudere, illasque consequi, & lucrifacere libere, & licite possint, & valeant, dummodo tamen ea, quæ pro consequendis Indulgentiis, seu peccatorum remissionibus, ac peccatorum relaxationibus hujusmodi præscripta sunt, seu pro tempore fuerint, adimpleant, auctoritate Apostolica tenore præsentium concedimus, & indulgemus.

Concessio Indulgentiarum Fratrum d. Ordinis Tertiariis facta.

Clausula.

§. 1. Non obstantibus nostra de non concedendis Indulgentiis ad instar, aliisque Constitutionibus, & Ordinationibus Apostolicis, cæterisque contrariis quibuscumque; præsentibus perpetuis futuris temporibus valituris.

§. 2. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscrip-

tis, & sigillo personæ in Ecclesiastica dignitate constitutæ munitis, eadem prorsus fides ubique habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majoram sub Annulo Piscatoris die VIII. Augusti MDCLXXXI. Pontificatus nostri Anno Quinto.

Declaratur, Tertiarios B. M. de Mercede Redemptionis Captivorum extra Claustra viventibus frui posse Indulgentiis Confraternitatum ejusdem Ordinis.

XCVIII.

INNOCENTIUS PAPA XI.

Ad futuram rei memoriam.

Dat. 22. Aug. 1681. An. 5.

Nuper pro parte dilecti filii Josephi Linas Procuratoris Generalis Ordinis Fratrum Beate Mariæ de Mercede Redemptionis Captivorum in Sacra Theologia Magistri, Nobis exposito, multos in eodem Ordine reperiri Tertiarios, qui vota simplicia emiserunt, & sub Regula Tertiariorum, ac habitu ipsius Ordinis pie, & laudabiliter intra claustra sub obedientia Superiorum Ordinis hujusmodi vivunt; incertum vero esse quibus Indulgentiis, & gratiis spiritualibus ejusmodi Tertiarii frui valeant. Nos supplicationibus dicti Josephi Procuratoris Generalis nomine Nobis super hoc humiliter porrectis inclinati prædictis Tertiariis præsentibus, & futuris intra claustra, ut præfertur viventibus, qui vota hujusmodi emiserunt, seu pro tempore emiserint, ut omnibus, & singulis indulgentiis, seu peccatorum remissionibus, ac penitentiarum relaxationibus ad instar Fratrum Ordinis prædicti frui valeant sub certis modo, & forma tunc expressis auctoritate Apostolica indulgemus; & alias prout in nostris desuper in simili forma Brevis die 8. currentis mensis Augusti expeditis literis, quarum tenorem præsentibus pro plene, & sufficienter expresso, & inserto haberi volumus, uberius continetur. Cum autem, sicut prædictus Josephus Procurator Generalis Nobis subinde denuo exponi fecit præter prædictos, alii reperiantur memorati Ordinis Tertiarii, & Tertiaria, seu Bizzochæ, qui, & quæ licet sub Regula Tertiariorum, & habitu prædictis quoque pie, & laudabiliter vivant, vota quoque simplicia prædicta emiserint, non tamen intra claustra hujusmodi commorantur; incertum vero pariter sit quibus Indulgentiis, & gratiis spiritualibus hi quoque Tertiarii, & Tertiaria frui valeant; Nobis propterea dictus Josephus Procurator Generalis humiliter supplicari fecit, ut in præmissis opportune providere de benignitate Apostolica dignaremur.

Refertur Breve præcedens, quo concessæ fuerunt Tertiariis intra claustra viventibus indulgentiæ Fratrum Ordinis.

Preces Procuratoris Generalis pro declaratione Indulgentiarum Tertiariorum & Bizzocarum extra Claustra viventium.

§. 1. Nos igitur ipsius Josephi Procuratoris Generalis votis hac in re favorabiliter quoque annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum harum serie absolventes, & absolutum fore censentes, hujusmodi supplicationibus inclinati, præfatos Tertiarios, qui vota prædicta emiserunt, & extra Claustra vivunt, Confraternitatibus Ordinis prædicti adscribi, & adscriptos gratiis, & indulgentiis Confraternitatum hujusmodi frui posse d. auctoritate tenore præsentium declaramus.

Declaratur ad Tertiarios frui posse Indulgentiis Confraternitatum Ordinis.

§. 2. Decernentes easdem præsentis literas, firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tem-

Clausula.